

PRIMLJENO: 23. 01. 2019.			
Org. jed.	Broj	Prilog	Vrijednost
02.1	90-1	-	-

UNIVERZITET U SARAJEVU

FAKULTET POLITIČKIH NAUKA

Komisija za izbor u naučno – nastavno zvanje viši asistent na naučnu oblast „Politologija“

Sarajevo, 18. januar 2019.

FAKULTET POLITIČKIH NAUKA

VIJEĆU FAKULTETA

PREDMET: Izvještaj s prijedlogom za izbor akademskog osoblja u naučno – nastavno zvanje viši asistent na naučnu oblast „Politologija“

Na osnovu člana 104. Statuta Univerziteta u Sarajevu i prijedloga odsjeka Politologija, a u vezi sa članom 106. Stav (3) Zakona o visokom obrazovanju („Službene novine Kantona Sarajevo broj: 33 / 17) i po prethodnoj saglasnosti sekretara, Vijeće Fakulteta političkih nauka Univerziteta u Sarajevu Odlukom broj: 02 – 1 – 882 – 1 / 18 od 27. 12. 2018. godine imenuje Komisiju za izbor u naučno – nastavno zvanje viši asistent na naučnu oblast „Politologija“ u sljedećem sastavu:

1. **Prof. dr. Smail Čekić**, predsjednik Komisije;
2. **Prof. dr. Suad Kurtćehajić**, član Komisije;
3. **Prof. dr. Elmir Sadiković**, član Komisije;

Fakultet političkih nauka Univerziteta u Sarajevu je na osnovu člana 103. Zakona o visokom obrazovanju („Službene novine Kantona Sarajevo“ broj: 33 / 17), člana 162. Statuta Univerziteta u Sarajevu, Odluke Vijeća Fakulteta političkih nauka Sarajevo broj: 02 – 1 – 924 – 1 / 18 od 19. 11. 2018. godine i saglasnosti Senata Univerziteta u Sarajevu broj: 01 – 1093 – 75 / 18 od 28. 11. 2018. godine, dana 07. 12. 2018. godine u dnevnim novinama „Dnevni avaz“, na web stranici Fakulteta političkih nauka i web stranici Univerziteta u Sarajevu, raspisao

konkurs za izbor akademskog osoblja u naučno – nastavno zvanje viši asistent na naučnu oblast „Politologija“ jedan (1) izvršioc (puno radno vrijeme).

Na raspisani konkurs za izbor akademskog osoblja u naučno – nastavno zvanje viši asistent na naučnu oblast „Politologija“ u predviđenom roku prijavila su se dva (2) kandidata:

1. Mr. Osman Sušić
2. Dr. Bedrudin Brljavac

Komisiji je dostavljena potvrda Službe za pravne i opće poslove Fakulteta, broj 02 – 1 – 869 – 2 od 26. 12. 2018. i koja je jedna od bitnih osnova za izradu ovog izvještaja, a kojom se potvrđuje da je prijava kandidata dr. Bedrudina Brljavca dostavljena blagovremeno, ali je nepotpuna i kao takva se neće razmatrati, jer kandidat dr. Bedrudin Brljavac nije dostavio dokaz o provedenom periodu u zvanju asistenta, što je traženo raspisanim konkursom za izbor u zvanje višeg asistenta. Ovom potvrdom se potvrđuje da je pristigla prijava kandidata mr. Osmana Sušića dostavljena blagovremeno i da je potpuna.

Nakon uvida u konkursnu dokumentaciju kandidata koji ispunjava uslove Konkursa za izbor akademskog osoblja u naučno – nastavno zvanje viši asistent na naučnu oblast „Politologija“, Komisija u navedenom sastavu podnosi Vijeću Fakulteta političkih nauka sljedeći:

IZVJEŠTAJ

Mr. Osman Sušić

Kandidat mr. Osman Sušić priložio je svu Konkursom traženu dokumentaciju. Rođen je u Sarajevu 25. 04. 1980. Diplomirao je na Filozofskom fakultetu Univerziteta u Sarajevu (Odsjek za historiju) 2008. U zvanje asistenta izabran je 2009. Kao saradnik radio je na predmetima Historija Bosne i Hercegovine, Historija jugoistočne Evrope, Historija ratova, Studije holokausta i genocida i Politički sistem Bosne i Hercegovine. Na Fakultetu političkih nauka Univerziteta u Sarajevu, nakon što je položio sve predviđene ispite s prosječnom ocjenom 9, 16, magistarsku tezu pod naslovom „Uloga srpskog kulturnog kluba u srpskom velikodržavnom projektu“ odbranio je 2018. i time stekao zvanje magistar političkih nauka.

Objavio je više naučnih radova i prikaza u raznim časopisima i zbornicima radova, koje je priložio uz prijavu na konkurs. Sudjelovao je na više naučnih i stručnih konferencija i simpozija. Govori engleski, njemački i talijanski jezik i poznaje rad na računaru.

Spisak objavljenih radova:

1. HISTORIJSKI REVIZIONIZAM: NEGIRANJE AGRESIJE NA REPUBLIKU BOSNU I HERCEGOVINU I GENOCIDA NAD BOŠNJACIMA, Zbornik radova sa Međunarodne naučne konferencije „POLITIČKI I VOJNI ZNAČAJ ODBRANE SARAJEVA 1992. – 1995.“, Institut za istraživanje zločina protiv čovječnosti i međunarodnog prava Univerziteta u Sarajevu, Sarajevo 2014;
2. DOBRICA ĆOSIĆ - KREATOR VELIKOSRPSKE FAŠISTIČKE IDEOLOGIJE, Zbornik radova sa naučne i stručne rasprave o knjizi “BOSANSKI RAT” Dobrice Ćosića, održane 3. maja 2012. godine u Rektoratu Univerziteta u Sarajevu, Institut za istraživanje zločina protiv čovječnosti i međunarodnog prava Univerziteta u Sarajevu, Sarajevo 2013;
3. HISTORIJSKI REVIZIONIZAM – NEGIRANJE AGRESIJE I GENOCIDA U BIH, KORAK časopis za zaštitu tekovina borbe za BiH, broj 29 - godina X; oktobar – decembar 2012., Sarajevo 2012;
4. POLOŽAJ BOSNE I HERCEGOVINE U VIDOVDANSKOM USTAVU – HISTORIJSKI OKVIR AKTUELNE USTAVNO PRAVNE TEME, Zbornik radova sa naučnog skupa „USTAVNO PRAVNI RAZVOJ BOSNE I HERCEGOVINE (1910-2010.)“, Univerzitet u Tuzli, Pravni fakultet, Tuzla 2011;
5. ZLATKO HASANBEGOVIĆ, MUSLIMANI U ZAGREBU 1878 – 1945. DOBA UTEMELJENJA. Zagreb: Medžlis Islamske zajednice u Zagrebu, Institut društvenih znanosti “Ivo Pilar”, 2007. GODIŠNJAK BZK „Preporod“ Sarajevo, Sarajevo 2010;
6. RASPRAVE O NACIONALNOM IDENTITETU BOŠNJAKA Sarajevo: Institut za istoriju, 2009., GODIŠNJAK BZK „Preporod“ Sarajevo, Sarajevo 2009;

Učešća na konferencijama, simpozijima, savjetovanjima i seminarima:

1. MEĐUNARODNA NAUČNA KONFERENCIJA „SREBRENICA 1995-2015: EVALUACIJA NASLIJEĐA I DUGOROČNIH POSLJEDICA GENOCIDA“ Sarajevo – Tuzla – Srebrenica (Potočari): 9–11. juli 2015;
2. MEĐUNARODNA NAUČNA KONFERENCIJA „POLITIČKI I VOJNI ZNAČAJ ODBRANE SARAJEVA 1992. – 1995.“, Sarajevo 29. 02 – 1. 3. 2012;
3. NAUČNA I STRUČNA RASPRAVA O KNJIZI „BOSANSKI RAT“ DOBRICE ĆOSIĆA, Sarajevo 3. maj 2012. godine;

4. NAUČNI SKUP „USTAVNO PRAVNI RAZVOJ BOSNE I HERCEGOVINE (1910-2010.)“, Tuzla 17 – 19. 12. 2010. godine;
5. IV SAVJETOVANJE O REFOTMI VISOKOG OBRAZOVANJA – PRIMJENA BOLONJSKIH PRINCIPA NA UNIVERZITETU U SARAJEVU. RAZVOJ SISTEMA UPRAVLJANJA KVALITETOM U VISOKOM OBRAZOVANJU. Sarajevo 16. 04. 2010. godine. Kandidat je u prijavi naveo da mu certifikat o učešću nije dostavljen;
6. III IV SAVJETOVANJE O REFOTMI VISOKOG OBRAZOVANJA – PRIMJENA BOLONJSKIH PRINCIPA NA UNIVERZITETU U SARAJEVU. Sarajevo, 24. i 25. 04. 2009. godine. Kandidat je u prijavi dostavio kopiju certifikata;

ZAKLJUČAK S PRIJEDLOGOM KOMISIJE

Na raspisani konkurs prijavila su se dva kandidata i to: dr. Bedrudin Brljavac i mr. Osman Sušić. Nakon uvida u priloženu dokumentaciju Komisija je otkrila i konstatovala sljedeće:


- prvo, kandidati dr. Bedrudin Brljavac i mr. Osman Sušić blagovremeno su dostavili svoje prijave na Konkurs, pri čemu kod kandidata dr. Bedrudina Brljavca dokumentacija nije potpuna, čime ne ispunjava uslove utvrđene konkursom, a kandidat mr. Osman Sušić je dostavio potpunu dokumentaciju determiniranu uslovima raspisanog konkursa;
- drugo, Komisija je stoga razmatrala blagovremeno dostavljenu dokumentaciju kandidata mr. Osmana Sušića, koja je potpuna i na osnovu temeljitog proučavanja iste utvrdila da mr. Osman Sušić ispunjava sve faktičke, naučno - nastavne i formalno – pravne uslove definirane Konkursom, uz napomenu da kandidat mr. Osman Sušić od 2009. vrlo savjesno i odgovorno izvršava sve obaveze i zadatke u zvanju asistenta na predmetima Historija Bosne i Hercegovine, Historija jugoistočne Evrope, Historija ratova, Studije holokausta i genocida i Politički sistem Bosne i Hercegovine.

Komisija sa velikim zadovoljstvom Vijeću Fakulteta političkih nauka Univerziteta u Sarajevu predlaže da kandidata mr. Osmana Sušića za izbor u zvanje višeg asistenta na naučnu oblast „Politologija“. Komisija posebno naglašava da kandidat mr. Osman Sušić posjeduje naučne, stručne i moralne kvalitete i vrlo razvijen suptilan pedagoški odnos u radu sa studentima, izraženi afinitet za bavljenje naučno – istraživačkim radom, a što mu, pored ostalog, olakšava i odlično poznavanje stranih jezika. Polazeći od svega navedenog,


očigledno je da se radi o kandidatu čijim izborom i daljim naučno – nastavnim i pedagoškim razvojem Fakultet političkih nauka Univerziteta u Sarajevu će dobiti vrlo respektabilnog istraživača u oblasti Politologije.

Sarajevo, 18. januar 2019.


KOMISIJA



Prof. dr. Smail Čekić, predsjednik Komisije;



Prof. dr. Suad Kurtćehajić, član Komisije;



Prof. dr. Elmir Sadiković, član Komisije;